

Pas baba e u ke Jon

¹ Yau, kaltu na famu ine sios.

Ya seti e pas gii tife fefin Deo e sam wele, ma fan siksikow,* se ya bura tikin, (ma e tibi ta yau tibom, e tam, seri ming gii ri ka ta tura kiar ilo bala tikii titinge),

² anwarow lo sunwar tikin a ka mel ilo kiar ma ku melmel tura kiar bingne.

³ Warfakausi, fatengis ma balamaris singe Deo Tamrer ma singe Yesus Kristus, sikow e Deo, eu ta tura kiar lo biing kiar parfat lo sunwar tikin ma kiar ka mel lo sinang na fabur.

⁴ Balang e gasgas tikin una pari e fa lo re tanga siksikuam, ri fesfes ilo sunwar e tikin aregii Tamrer kabuk peteng tif kiar ini.

⁵ Ma gii konona fefin, ya tibi seti e ti fafanau fuu tifo, safle fafanau gii kerer sam kepe tinglo biing kiar tofnge titinge. Ya gatom ini kerer u bura e neng ma neng.

⁶ Ma i gii e fabur: kiar u fesfes ususi e fam fafanau kia. Aregii o kabuk bom ongni tinglo biing o tofnge titinge, fafanau kia i gii ini ou fes ilo sinang na fabur.

* **1:1 1:1** Fuunfuun lo re tongge parfat, ri sang ini sunwar gii fefin ilo bala pas gii, pimpiku gii sios, ma siksikow gii, tongge ilo bala sios a.

⁷ Tongge fuunfuun na fafalam, seri tibi par-failmi ini Yesus Kristus e puek ka ta kaltu[†], ri sam la ilo mara male. Matang kaltu aregii, e ta kaltu na fafalam, ma e ta matamfais ke Yesus Kristus.

⁸ Atate ini ou tibi falimufu e sa o sau faim usi, usi ini riu tow e fimfiil kiam kiruur.

⁹ Sese kaltu e suu kosngi e fam fabenge ke Kristus ma ka tibi fesfes ususi, Deo e tibi mel ilo. Sakle kaltu e fesfes lala ilo fam fabenge gii, Tamow ma Sikow ru tiin mel ilo.

¹⁰ Le tikas ku sa la usi o ma ku tibi tow e fam fabenge gii, mele onu ku kau ilo keu fel, tam mele areni.

¹¹ Anwarow le o ku areni e kaltu tura fam fabenge gurgurum, ou tiim tura ilo fan mok saksak i e gowgow.

¹² E mel e fan mok fuunfuun ya bur seti tif gam, safle ya guuluung una siisiit ine ti pen ilo ti pas. Ya su bura ini kiar u sa faparngi ma kiar ku sa fawar, usi ini fefeal kiar eu la fasef sekit.

¹³ Siksikow e kisimlik[‡] gii Deo ka wele, ri tuleni e are keru tif gam.

[†] **1:7 1:7** Tongge na fafalam a ri tibi titinge ini Yesus e fuut ka ta kaltu. Ri titinge ini Yesus e su ta Tangwa. [‡] **1:13 1:13** Kisimlik gii e ta taltalu e sios ilo wes 1, ma siksikow gii tongge ilo bala sios a.

Konona Sunwar lo Yesus Kristus
The New Testament in the Feni language of Papua
New Guinea
Nupela Testamen long tokples Feni long Nuigini

copyright © 2024 Wycliffe Bible Translators, Inc.

Language: Feni (Warwar Feni)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-11

PDF generated using Haiola and XeLaTeX on 11 Aug 2025 from source files dated 11 Aug 2025

ae8d0c87-7c81-533b-9a3a-4c01263a13a8